

寓意草目錄

先議病後用藥

與門人定議病式

論金道賓眞陽上脫之症

金道賓後案治眞陽上脫之症

辨袁仲卿小男死症再生奇驗并詳誨門人

辨黃長人傷寒疑難危症治驗并詳誨門人

治金鑑傷寒死症奇驗

辨徐國禎傷寒疑難急症治驗

治錢仲昭傷寒發痧危症奇驗

治傷寒壞症兩腰僂廢奇驗

辨黃起潛黃曙修時氣傷寒治各不同

附戴陽症

辨王玉原傷寒從餘熱并永定善後要法

答門人問蔣中尊受病致死之因

論內傷轉瘧宜防虛脫并治驗

推原陸中尊瘧患病機及善後法

力爭截瘧成脹臨危救安奇驗

詳述陸平叔傷寒危症治驗并釋門人之疑

面議何茂倩令媛病單腹脹脾虛將絕之候

辨痢疾種種受症不同隨症治驗

其七案

面議少司馬李萍槎先生誤治宜用急療之法
面議陳彥質臨危之症有五可治

論黃湛侯吐血暴症治驗

論聞君求血症兼痰症治法

論顧枚先失血症治病機比嘗不同

面論顧季掖乃室奇症治之奇驗

面論姜宜人奇症與交腸不同治法迥異

治陸令儀乃堂肺癰奇驗

面議郭台尹將成血蠱之病

答門人問州守錢希聲先生吐血治法

治李思萱乃室膈氣危病奇驗

辨黃咫旭乃室膈氣危症宜用緩治法果驗

面議倪慶雲膈症臨危再生奇驗

論吳聖符文學單腹脹治法

面論大司馬王帖翁公祖耳鳴用方大意

附答東

直敘王帖翁公祖病中垂危復安始末

直推王帖翁公祖病後再候貽患

直敘立刻救甦劉筠枝不終其用之故

面論徐嶽生將成痿痺之證

論江冲寰先生足患治法

論錢大封翁足患不宜用熱藥再誤

論浦君藝瑞病療治之法奇驗

論吳吉長乃室及王氏婦肺病誤藥之治驗

辨江鼎翁公祖頤養天和宜用之藥

論張受先先生漏症善後之宜

詳吳太封翁疝症治法并及運會理勦寇之事

詳辨諫議胡貞臣先生痰飲小恙并答明問

論顧明仲痞塊錮疾根源及治法

論袁聚東痞塊危症治驗

論楊季蘅風廢之症并答門人四問

治葉茂卿小男肺病奇症効驗并詳誨門人

議沈若茲乃郎腸癖危症并治驗

辨治楊李登兩女奇症奇驗

直敘顧謐明兩郎佈痘爲宵小所誤

論劉筠翁長卽失血之症

論錢小魯嗜酒積熱之症治法不同

面論李繼江痰病奇驗

治吳添官乃母厥顛疾乃自病真火脫出之驗

論體盛絕孕治法

華太夫人餌朮方論

陸子堅調攝方論

與黃我兼世兄書

辨黃鴻軒臂生癰癰之症并治驗

論士大夫喜服種子壯陽熱藥之誤

論治傷寒藥中宜用人參之法以解世俗之惑

胡白臣先生曰還丹不過九轉舉世模之不就陳
詮可襲活法固難通也

議郭台尹將成血蠱漸瘥

郭台尹年來似有勞怯意胸腹不舒治之罔効茫不
識病之所存也聞僕治病先議後藥姑請診焉見其
精神言動俱如平人但面色痿黃有蟹爪紋路而得
五虛脈應之因竊疑而詰之曰足下多怒乎善忘乎
口燥乎便秘乎胸緊乎脇脹乎腹疼乎渠曰種種皆
然此何病也余曰外症尙未顯然內形已具將來血
蠱之候也曰何以知之曰合色與脈而知之也夫血

之充周於身也。榮華先見於面。今色黯不華。既無舊
恙。又匪新疴。其所以憔悴不榮者。何在。且壯盛之年。
而脈見細。損宜一。損皮毛。二。損肌肉。三。損筋骨。不起
於床矣。乃皮毛肌肉步履如故。其所以徵弱不健者。
又何居。是敢直斷爲血蠱。腹雖未大。而腹大之情形。
已著。如瓜瓠然。其日趨於長也。易易耳。明哲可不見。
機於早耶。曰。血蠱乃婦人之病。男子亦有之乎。曰。男
子病此者甚多。而東方沿海一帶。比他處更多。醫不
識所繇來。漫用治氣治水之法。嘗試。天枉不可勝計。
總緣不究病情耳。所以然者。以東海擅魚鹽之饒。魚

者甘美之味多。食使人熱。中鹽者鹹苦之味。其性偏於走血。血爲陰象。初與熱合。不覺其病。日久月增。中焦冲和之氣。亦積漸而化爲熱矣。氣熱則結。而血始不流矣。於是氣居血中。血裹氣外。一似婦女受孕者然。至彌月時。腹如抱甕矣。但孕系於胞中。如熟果自落。蠱蟠於腹內。如負贅難療。又不可同語也。究而論之。豈有東方之水土致然。凡五方之因膏粱厚味。椒薑桂楮成熱中者。除癰疽消渴等症。不啻見外。至脹滿一症。人人無不有之。但微則旋脹旋消。甚則脹久不消。而成蠱耳。倘能見微知著。宜至相尋於覆轍耶。

要知人之有身。執中央以運四旁者也。今中央反竭。四旁以奉其錮。尚有精華發見於色脈間乎。此所以脈細皮寒。少食多汗。虺羸之狀不一而足也。余言當不謬。請自揆之。月餘病成。竟不能用。半載而逝。

胡貞臣先生曰。議病開此一法門。後有學者及不可

答門人問州守錢布聲先生治法

門人問曰。州尊暴病。嘔血數升。指尖微冷。喉間窒塞。聲不易出。安危之機。關於醫藥。有用溫補。人參阿膠之屬者。有用涼血生地玄參之屬者。有用降火黃柏知母之屬者。漫難適從。請吾師確言其理。以開瞽聵。

答曰古今論失血之症皆混在痰火一門是以言之
不中肯綮吾試爲子詳之夫血病有新久微甚無不
本之於火然火有陰陽不同治法因之迥遠州尊雖
舊嘗失血不過傷損之類其原頗輕今入春以來忽
爾嘔血數盃則出之暴矣經云暴病非陽則其爲火
也卽非陽火甚明陽火者五行之火天地間經嘗可
久之物何暴之有設其暴也復可以五行之水折之
不能暴矣惟夫龍雷之火潛伏陰中方其未動不知
其爲火也及其一發暴不可禦以故載陰血而上溢
蓋龍雷之性必陰雲四合然後遂其升騰之勢若天

青日朗。則退藏不動矣。故凡用清火涼血之藥者。皆以水制火之嘗法。施之於陰火。末有不轉助其瘥者也。大法惟宜溫補而溫補中之微細曲折。要在講明有素。經曰。少陰之脈。繫舌本。謂腎脈。繫遶於舌根之間也。又曰。咯血者。屬腎。明乎陰火發於陰中。其血咯之成塊而出。不比咳嗽癆症。痰中帶血爲陽火也。此義從前未有發明。惟漢代張仲景爲醫中之聖。於傷寒症中。垂戒一歟云。誤發少陰汗。動其經血者。下竭上厥。爲難治。後人隨文讀去。治下竭上厥之理。總置不講。不知下竭者。陰血竭於下也。上厥者。陰氣逆於

上也。蓋氣與血兩相維。附氣不得。血則散。而無統。血不得氣。則凝而不流。故陰火動而陰氣不得不上。奔陰氣上奔。而陰血不得不從之。上溢。陰血上溢。則下竭矣。血既上溢。其隨血之氣。散於胸中。不能復返本位。則上厥矣。陰氣上逆。不過至頸而止。不能越高巔。清陽之位。是以喉間窒塞。心忡耳鳴。胸膈不舒也。然豈但窒塞不舒已哉。陰氣久居於上。勢必龍雷之火。應之於下。血不盡竭。不止也。氣不盡厥。亦不止也。仲景所以斷爲難治者。其以是乎。但止曰難治。非謂不治也。仲景不立治法者。以另有平病論。一十六卷。顯

論暴病。後世散逸無傳耳。吾爲子大開其局。則以健脾中陽氣爲第一義。健脾之陽。一舉有三善也。一者脾中之陽氣一旺。如天青日朗。而龍雷潛伏也。一者脾中之陽氣旺。而胸中窒塞之陰氣。如太空不留纖醫也。一者脾中之陽氣旺。而飲食運化精微。復生其不竭之血也。況乎地氣必先蒸土爲濕。然後上升爲雲。若土燥而不濕。地氣於中隔絕矣。天氣不當清乎。今方書皆治陽火之法。至龍雷之火。徒有其名。而無其治。反妄引久嗽成癆。痰中帶血之陽症。不敢用健脾增咳爲例。不思咯血卽有咳嗽。不過氣逆上厥之

咳氣下則不咳矣。況於原無咳嗽者乎。古方治龍雷之火。每用桂附引火歸原之法。然施於暴血之症。可暫不可嘗。蓋已虧之血。恐不能制其悍。而未動之火。恐不可滋之擾耳。究而論之。治龍雷之火。全以收藏爲主。以秋冬則龍潛雷伏也。用收藏藥不効。略用燥烈爲鄉導。以示同氣相求之義。則可。旣以收藏。寧敢漫用燥烈乎。先生宿有損傷失血之病。值此上下交鬪。功令森嚴。人心不逞。惴惴其不免。是勞傷又益以憂恐。恐則傷腎。而少陰之血無端溢出。與仲景所謂誤發少陰汗動其血者。初無少異矣。又况肝主謀慮。